


# Bibel fa Kjinja

brinjt junt



Nehemia  
But De  
Waunt  
Trajcht



Jeschräwen von: Edward Hughes

Jemolt von: Jonathan Hay

Toom Pauss jestalt von: Mary-Anne S.

Äwasat von: Ed Zacharias

Hääjestalt von: Bible for Children  
[www.M1914.org](http://www.M1914.org)

©2011 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.



Persien wia een sea grootet Launt met eenen sea  
stoakjen Kjennich. De Kjennich heet Artahsasta.  
Hee wia de stoakjsta Kjennich to siene Tiet.  
Eent von däm Kjennich  
siene wichtje Deena,  
Nehemia, wia een  
Jud. Hee must däm  
Kjennich sien Äten  
noseenen daut et  
nich schlajcht  
wia.




Een Dach aus hee ver däm Kjennich kjeem, wia  
hee truarich. De Kjennich wull weeten waut am  
wia. Nehemia säd, "Kjennich, muchst du opp emma  
rejieren. Ekj sie truarich wiels de Staut wua miene  
Vodasch begroft sent, licht gauns  
vedorwen, un de Puats sent  
dol-jebrent." Nehemia  
räd doa von Jerusalem,  
de Staut dee en  
eenen Kjrich  
vedorwen wia.



De Kjennich Artahsasta fruach, "Waut west du haben?" Un Nehemia säd, "Lot mie no Jerusalem gonen un dee wada oppbuen." De Kjennich leet am daut. Hee jeef Nehemia Breew soo daut hee daut Rajcht haud doa to reisen.



De Kjennich deed noch waut. Hee jeef Nehemia eenen Breef fa Asaf. Asaf wia de Oppsechta en däm Kjennich sien Woolt, un hee sull Nehemia soo väl Holt jäwen toom buen aus am fäld.



Schliesslich kjeem Nehemia bat Jerusalem. Doa kroagd hee de Leidasch toop un säd, "Wie motten oppaussen. De Staut es vedorwen un de Puats sent vebrent. Well wie dee wada oppbuen." Hee säd an, daut de Kjennich daut loten deed, un daut Gott an halpen wudd.



Nehemia sienen Gloowen un sien Moot woat de aundre Lied doa jeholpen haben. "Well wie wadabuen," säden see. Nehemia sad jieda Famielje woon Enj Waunt see trajcht-buen sullen.



Nich jieda-eena wull halpen de Waunt oppbuen. Een  
Maun, hee heet Sanbalat, un siene Frind, Tobija un  
Geschem, wieren nich Juden,  
un wullen de Staut nich  
trajcht-jebut  
haben.



Sanbalat sach daut de Oabeit wieda kjeem, un am oajad daut. Hee un siene Frind spotten äwa waut de Juden deeden. Tobija säd, "Wan dee foadich sent, woat een Foss de proste Waunt dol-bräakjen kjennen." Nehemia säd nuscht. Hee bäd daut Gott sikj met



dee weeten  
wudd.



De Juden bleewen oba mootich, wan äare Oabeit  
uk ve-acht wort. Sanbalat plond de Oabeit to  
vestieren, un de Staut auntojriepen. Nehemia bäd  
wada, daut Gott halpen sull.  
Hee stald Wajchta aun, daut  
see nich onverhoffs  
wudden  
jestieet  
woaren.



De Juden schauften  
sea; see worden meed.  
See enjsten sikj fa  
dän Fient, wan see bie  
de Oabeit wieren. Oba  
Nehemia jeef nich no.  
Hee muak secha daut  
de Oabeida Wajchta  
hauden. Hee holp an  
denkjen, daut Gott an  
holp, un daut Gott  
stoakja es aus de  
Fient.



Nehemia wia  
een gooda Leida.  
Kjennich Artahsasta  
haud Nehemia  
aunjestalt aus  
Gowernia äwa  
Jerusalem; hee kunn  
velangen daut de Lied  
am to äten,  
un Jelt  
jeewen.



Daut deed hee nich.  
Hee holp emma bie  
de Oabeit met, aus  
see aun de Stauts-  
Waunt schauften.  
Hee betold sien  
ieejnet Äten.



Schliesslich wia de Stauts-Waunt foadich. Nu fälden noch de Däaren en de groote Puats. Aus Sanbalat, Tobija un Geschem hieeden daut de Waunt aulawääjen too wia, neemen see sikj väa, see wudden Nehemia waut doonen.



See leeten Nehemia weeten daut hee sull no Ono  
komen. Nehemia wist daut dee wullen am ut de  
Staut rut-locken, daut see am waut doonen kunnen.  
Hee schreef an eenen Breef, daut hee nich siene  
Oabeit tochloten wudd toom an trafen.



Schliesslich  
wia aules aun  
de Waunt  
foadich.



Nehemia  
stald noch emma  
Wajchta aun.



Dee sullen daut  
Stauts-Puat  
nich opmoaken  
ea de



Sonn  
oppkjeem.



De Nacht sullen  
de Puats too un  
veräajelt sennen.



Aus de Staut vesechat wia, kjeemen väl Juden von  
veschiedne Lenda enne Welt trigj no Jerusalem.  
Nehemia kunn tofräd sennen, daut hee de Oabeit  
haud foadich  
jekjrääjen.

Gott haud  
am jeholpen,  
wan daut uk  
wia schwoa  
jewast. Hee  
bleef en  
Jerusalem un  
holp de Lied  
Gott jehorchen.



Nehemia But De Waunt Trajcht

Eene Jeschicht von en daut Wuat Gottes,  
de Bibel

finjt eenen

Nehemia

"Wan dien Wuat openboat woat,  
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

